



ՀԵԼՍԻՆԿՅԱՆ ՔԱՂԱՔԱՑԻԱԿԱՆ ԱՍԱՄԲԼԵԱՅԻ
ՎԱՆԱԶՈՐԻ ԳՐԱՍԵՆՅԱԿ
HELSINKI CITIZENS' ASSEMBLY
VANADZOR OFFICE

2001 Հայաստանի Հանրապետություն,
Վանաձոր Տիգրան Մեծի պողոտա 59
59 Tigran Metsi st.
Vanadzor, 2001, Republic of Armenia
Tel. (հեռ.) (374 322) 4 22 68
Fax (Փաք) (374 322) 4 12 36
E-mail: hcav@hcav.am

Ե/2015- 16.07/ 356
16.07.2015թ.

ՀՀ հատուկ քննչական ծառայության պետ

Վ. Շահինյանին

Հարգելի պարոն Շահինյան,

2015 թվականի հուլիսի 13-ին իր որդո՞ւ՝ Հովհաննես Արթուրի Մոսյանի իրավունքների պաշտպանության խնդրով կազմակերպություն և դիմել Գոհար Սամվելի Մոսյանը: Վերջինս, կազմակերպությանն ուղղված դիմումում հայտնել է, որ զինծառայությունից խուսափելու հիմքով Հ. Մոսյանի նկատմամբ հարուցվել է, քրևական գործ, որի նախարարնությունն իրականացվում է. ՀՀ քննչական կոմիտեի ԶՔԳՎ չորրորդ կայազորային քննչական բաժնում, գործը վարել է քննիչ Ս. Վարանցովյանը:

Ըստ Գ. Մոսյանի դիմումի՝ նախարարնության բնթացքում խախտվել են իր որդո՞ւ՝ մի շաբաթ իրավունքները: Մասնավորապես, ըստ Գ. Մոսյանի, իր որդու նկատմամբ անհիմն հայտարարվել է հետախուզում, քննիչը բղավելով, վախեցնելով ստիպել է, գրավոր հրաժարվել պաշտպան ոնենալու իրավունքից, ճնշում գործադրելով, ստիպել է. Հ. Մոսյանին իր թելադրանքով ցուցունք գրել՝ վերջում ստիպելով ավելացնել, որ գրված է. Հ. Մոսյանի բառերով և ճիշտ է: Բացի այդ, Գ. Մոսյանն իր դիմումում հայտնել է նաև, որ Հ. Մոսյանն անհիմն կալանավորվել է և ազատ արձակվել միայն 72 ժամ անց, որի պատճառն, ըստ ներկայացված դիմումի, քննիչի կողմից դատախազություն պատշաճ կարգով Հ. Մոսյանի բացատրությունը չի ներկայացվել, որտեղ նա հայտնել է, իր առողջական խնդիրների մասին: Ընդ որում, ըստ դիմումում հայտնած տվյալների, Հ. Մոսյանը միշտ եղել է տանը, հեռախոսահամարը, որն իմացել է նաև քննիչ Ս. Վարանցովյանը, եղել է հասանելի:

ՀՀ Սահմանադրության 3-րդ հոդվածի համաձայն՝ «Մարդը, նրա արժանապատվությունը, հիմնական իրավունքները և ազատությունները բարձրագույն արժեքներ են:

Պետությունն ապահովում է մարդու և քաղաքացու հիմնական իրավունքների և ազատությունների պաշտպանությունը՝ միջազգային իրավունքի սկզբունքներին ու նորմերին համապատասխան»:

ՀՀ Սահմանդրության 14-րդ հոդվածը սահմանում է, որ «Մարդու արժանապատվությունը՝ որպես նրա իրավունքների ու ազատությունների անքակտելի հիմք, հարգվում և պաշտպանվում է՝ պետության կողմից», իսկ 17-րդ հոդվածը նախատեսում է, խոշտանգումների, ինչպես նաև անմարդկային կամ նվաստացնող վերաբերմունքի կամ պատճի ննթարկվելու արգելու:

Մարդու իրավունքների և հիմնարար ազատությունների պաշտպանության մասին եվրոպական կոնվենցիայի 3-րդ հոդվածը սահմանում է, որ «Ոչ ոք չպետք է ենթարկվի խոշտանգումների կամ անմարդկային կամ նվաստացնող վերաբերմունքի կամ պատճի»:

ՀՀ Սահմանդրության 16-րդ հոդվածը հստակ նախատեսում է, որ մարդուն կարելի է ազատությունից գրկել օրենքով սահմանված դեպքերում և կարգով: Սույն հոդվածի կարգավորումները բխում են Մարդու իրավունքների և հիմնարար ազատությունների պաշտպանության մասին եվրոպական կոնվենցիայի 5-րդ հոդվածի բովանդակությունից:

ՀՀ Սահմանդրության 20-րդ հոդվածը նախատեսում է յուրաքանչյուր անձի՝ իրավարական օգնություն ստանալու իրավունքը:

ՀՀ քրեական դատավարության օրենսգրքի 7-րդ հոդվածի համաձայն՝ «Հետարնության մարմինը, քննիչը, դատախազը, դատարանը, ինչպես նաև քրեական դատավարությանը մասնակցող այլ անձինք պարտավոր են պահպանել Հայաստանի Հանրապետության Սահմանադրությունը, սույն օրենսգիրը և մյուս օրենքները»:

Ոչ ոք չի կարող քրեական գործով ձերբակալվել, խուզարկվել, կալանավորվել, դատապարտվել, ենթարկվել բերման և դատավարական հարկադրանքի այլ միջոցների, ինչպես նաև իրավունքների ու ազատությունների այլ սահմանափակումների այլ կերպ, քան օրենքով սահմանված հիմքերով և կարգով»:

Սույն օրենսգրքի 9-րդ հոդվածի 1-ին մասը սահմանում է, որ «Անձի իրավունքները, ազատությունները և արժանապատվությունը հարգելը պարտադիր է քրեական դատավարությանը մասնակցող բոլոր մարմինների և անձանց համար», իսկ ըստ 3-դր մասի՝ «Քրեական դատավարության բնթացքում ոչ ոք չպետք է ենթարկվի իր արժանապատվությունը նվաստացնող վերաբերմունքի, պահվի ստորացուցիչ պայմաններում»:

ՀՀ քրեական դատավարության օրենսգրքի 11-րդ հոդվածը մեկ անգամ ևս ամրագրում է, անձի անձնական ազատության և անձեռնմխելիության իրավունքը, սահմանելով, որ «Ոչ ոք չի կարող արգելանքի վերցվել և պահվել անազատության մեջ այլ կերպ, քան սույն օրենսգրքով նախատեսված հիմքերով և կարգով»: Բացի այդ, սույն հոդվածի 7-րդ մասի համաձայն՝ «Քրեական դատավարության բնթացքում ոչ ոք չպետք է ենթարկվի խոշտանգումների, անօրինական ֆիզիկական կամ հոգեկան բռնության, այդ թվում՝ բժշկական դեղամիջոցների օգտագործմամբ, սովոր, ուժասպառման, հիպնոսի, բժշկական օգնությունից գրկվելու, ինչպես նաև այլ դաժան վերաբերմունքի»: Արգելվում է

կասկածյալից, մեղադրյալից, ամբաստանյալից, տուժողից, վկայից և քրեական դատավարությանը մասնակցող այլ անձանցից ցուցմունքներ կորզել բոնության, սպառնալիքի, խարեւության, նրանց իրավունքների ոտնահարման, ինչպես նաև այլ անօրինական գործողությունների միջոցով»:

Այսպիսով, հաշվի առնելով վերոգրյալը, դեկավարվելով Ձեր լիազորություններով և ՀՀ քրեական դատավարության օրենսգրքի դրույթներով՝ դիմում եմ Ձեզ՝ պահանջելով միջոցներ ձեռնարկել դեպքի առթիվ քրեական գործ հարուցելու, մեղավոր անձանց հայտնաբերելու և Հովհաննես Մոսյանի խախտված իրավունքները վերականգնելու ուղղությամբ:

Կից ներկայացնում եմ գ. Մոսյանի՝ կազմակերպությանն ուղղված դիմումի պատճենը:

Հարգանքով

կազմակերպության նախագահ՝

Կատարող՝ S. Սիրադեղյան

tsiradeghyan@hcav.am



Արթուր Սարունց

